

09 SEP 1999

AGONG KIRIM TAHNIAH KEPADA KOREA UTARA DAN TAJIKISTAN

KUALA LUMPUR, 9 Sept (Bernama) -- Yang di-Pertuan Agong Sultan Salahuddin Abdul Aziz Shah telah menghantar perutusan tahniah kepada Setiausaha Agung Parti Pekerja Korea Utara, Kim Jong-Il dan Presiden Tajikistan, Emomali Rakhmonov sempena Hari Kebangsaan dan Kemerdekaan negara mereka hari ini.

Dalam perutusan kepada Kim, Seri Paduka yakin hubungan baik dan erat yang sedia ada di antara kedua negara dapat diperkukuhkan pada tahun-tahun akan datang.

"Beta dan Raja Permaisuri Agong mengucapkan setinggi-tinggi tahniah bersempena hari bersejarah itu dan berharap semoga Tajikistan dan rakyatnya terus menikmati keamanan dan kemajuan," titah Seri Paduka dan perutusan berasingan kepada Rakhmonov.

Perdana Menteri Datuk Seri Dr Mahathir Mohamad dalam perutusan kepada rakan sejawatan beliau di Korea Utara, Hong Song Nam yakin dibawah kepimpinan Hong, hubungan kedua-dua negara akan terus berkembang dalam semua bidang.

Dalam perutusan kepada rakan sejawatannya di Tajikistan, Yah'ya Azimov, Dr Mahathir berkata beliau berpuas hati dengan ikatan persaudaraan di antara kedua negara yang berkembang secara positif.

Menteri Luar Datuk Seri Syed Hamid Albar dalam perutusan kepada rakan sejawatannya di Korea Selatan, Paek Nam Sun berharap kedua negara akan bekerja ke arah kerjasama dan komitmen lebih besar untuk keamanan dan pembangunan rantau ini.

Syed Hamid juga menghantar perutusan kepada rakan sejawatannya di Tajikistan, Talbak Nazarov.

-- BERNAMA

RV zb